



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o davanju saglasnosti na Memorandum o saradnji
između Federalnog zavoda za programiranje razvoja i Grada Sarajeva
(Prijedlog)

Predlagač: Predsjedavajući Gradskog vijeća kao gradski vijećnik
Obrađivač: Stručna službe Gradskog vijeća

Sarajevo, juni 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) Gradsko vijeće Grada Sarajeva, na __. sjednici održanoj __. __. 2022. godine, donijelo je:

(Prijedlog)

Odluka
o davanju saglasnosti na Memorandum o saradnji
između Federalnog zavoda za programiranje razvoja i Grada Sarajeva

Član 1.
(Predmet Odluke)

Ovom Odlukom daje se saglasnost za uspostavljanje saradnje između Federalnog zavoda za programiranje razvoja i Grada Sarajeva.

Član 2.
(Potpisivanje sporazuma o saradnji)

Saradnja iz člana 1. Odluke uspostavlja se potpisivanjem Memorandum o saradnji između Federalnog zavoda za programiranje razvoja i Grada Sarajeva, čiji je tekst sastavni dio Odluke.

Član 3.
(Suglasnost Gradonačelnici za potpisivanje memoranduma)

Gradonačelnica Grada Sarajeva ovlaštena je da u ime Grada Sarajeva, potpiše Memorandum o saradnji iz člana 1, po stupanju na snagu ove Odluke.

Član 4.
(Stupanje na snagu i objava odluke)

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj:
Sarajevo,

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), kojima je propisano da Gradsko vijeće donosi odluke, druge propise i opće akte i daje njihovo tumačenje.

RAZLOZI DONOŠENJA

U septembru 2015. godine se Bosna i Hercegovina, skupa sa 192 države članice Ujedinjenih naroda, obavezala da će provesti Agendu 2030 za održivi razvoj (Agenda 2030), koja se sastoji od 17 ciljeva održivog razvoja i 169 podciljeva. Dokument Agenda 2030 naglašava sljedeće: „Agenda 2030 je plan djelovanja za ljude, planetu i prosperitet. Njen cilj je da osnaži univerzalni mir u većoj slobodi. Ovaj plan će provoditi sve zemlje i sve zainteresirane strane, djelujući kroz partnerstvo zasnovano na saradnji. Riješili smo da čovječanstvo oslobodimo tiranije, siromaštva i neimaštine, kao i da oporavimo i zaštitimo našu planetu.“ Ciljevi održivog razvoja predstavljaju transformativni plan za stvaranje bolje i održive budućnosti za cijeli svijet. Oni se bave globalnim izazovima s kojima se cijeli svijet suočava, uključujući siromaštvo, nejednakost, klimatske promjene, degradaciju okoliša, prosperitet, mir i pravdu. Agenda 2030 i Ciljevi održivog razvoja zasnivaju se na tri ključna principa:

1. Univerzalnost, koja podrazumijeva obavezu i spremnost svih zemalja za njihovu primjenu, uvažavajući unutrašnja uređenja i stepen razvoja koji doprinose sveukupnom naporu za održivi razvoj u svim kontekstima i vremenima;
2. Integracija svih aspekata održivog razvoja, što podrazumijeva ravnomjeran ekonomski rast uz zaštitu okoliša i prirodnih resursa, uz istovremeno kreiranje pravednog društva i smanjenje nejednakosti;
3. Princip „Niko ne smije biti isključen“, kojim se teže eliminirati multidimenzionalni uzroci siromaštva i nejednakosti kao i diskriminacija u svim oblicima. Uvođenje tog principa u praksu zahtijeva mehanizme upravljanja i odgovornosti na svim nivoima, od lokalnog do međunarodnog, kako bi se osiguralo provođenje mjera za osiguravanje jednakosti.

Bosna i Hercegovina je prepoznala značaj i potencijal provođenja Ciljeva održivog razvoja i Agende 2030 kao mogućnost značajnog unapređenja socijalnih, ekonomskih i okolišnih aspekata života u zemlji i jačanja regionalne saradnje.

Održivi razvoj je u samom centru politika Evropske unije i njenih država članica, a pristupanje Bosne i Hercegovine Evropskoj uniji je sveobuhvatni prioritet za BiH. Sporazum o stabilizaciji i pridruživanju (SSP), koji je stupio na snagu 2015. godine, definira Bosnu i Hercegovinu kao „potencijalnog kandidata“ za pristupanje Evropskoj uniji. Bosna i Hercegovina je formalno predala zahtjev za članstvo u Evropskoj uniji u februaru 2016. godine. Mišljenje Evropske komisije iz maja 2019. godine o kandidaturi BiH navodi da „pregovori za pristupanje Evropskoj uniji trebaju biti otvoreni s Bosnom i Hercegovinom kada država postigne neophodni nivo usklađenosti s kriterijima za članstvo, a posebno Političkim kriterijima iz Kopenhagena, koji zahtijevaju stabilnost institucija koje garantiraju značajan nivo demokratije i vladavine prava“.

Između ostalog, dokument Evropske unije Ključne evropske aktivnosti kao podrška Agendi 2030 i Ciljevima održivog razvoja navodi instrument za pretpristupnu finansijsku pomoć (IPA) kao mjeru kojom se podržava provedba Agende 2030 i Ciljeva održivog razvoja. Aspiracije za članstvo ukazuju da se okviri Evropske unije za praćenje ostvarivanja Ciljeva održivog razvoja i izvještavanje država članica trebaju načelno, u konačnici, primijeniti i u Bosni i Hercegovini.

Prvi korak u realizaciji Agende 2030 u Bosni i Hercegovini predstavlja Okvir za Ciljeve održivog razvoja u Bosni i Hercegovini, kao zajedničkog dokumenta svih nivoa vlasti koji utvrđuje šire razvojne pravce, putem kojih vlasti na svim nivoima i društvo u Bosni i Hercegovini nastoje doprinijeti ostvarivanju Ciljeva održivog razvoja. Na osnovi analize stanja u pogledu održivog razvoja u Bosni i Hercegovini, odnosno ključnih trendova razvoja, prilika i prepreka, posebno u kontekstu pristupanja Bosne i Hercegovine Evropskoj uniji te opsežnih konsultacija provedenih s predstavnicima institucija na svim nivoima vlasti i socio-ekonomskim akterima u periodu 2018-2019. godina, utvrđena su tri pravca održivog razvoja u Bosni i Hercegovini: 1) Dobra uprava i upravljanje javnim sektorom, 2) Pametan rast, 3) Društvo jednakih mogućnosti, te dvije horizontalne teme: 1) Ljudski kapital za budućnost i 2) Princip „Niko ne smije biti isključen“.

U okviru svakog od navedenih razvojnih pravaca definirani su akceleratori i pokretači koji trebaju dovesti do željenih promjena do 2030. Pored toga, u skladu sa zahtjevima Agende 2030 i obavezama koje je Bosna i Hercegovina preuzela, Okvir za Ciljeve održivog razvoja u Bosni i Hercegovini utvrđuje i konkretne podciljeve kao i indikatore putem kojih će se napredak mjeriti.

Stoga ovaj dokument predstavlja širi okvir za postizanje Agende 2030 i Ciljeva održivog razvoja i kao takav će poslužiti za usmjeravanje tekućih i predstojećih procesa strateškog planiranja na nivoima Bosne i Hercegovine, Republike Srpske, Federacije Bosne i Hercegovine i Brčko distrikta Bosne i Hercegovine. Svi nivoi vlasti u BiH definirat će svoje prioritete, mjere i aktivnosti u skladu s ustavnim nadležnostima te osigurati doprinos u postizanju Agende 2030. Navedeni razvojni pravci trebaju doprinijeti stvaranju boljeg društva i budućnosti, gdje niko neće biti isključen, gdje su ljudi, prosperitet, mir, partnerstvo i briga za planetu Zemlju u središtu bolje i zajedničke budućnosti.

Iz vodećih principa Okvira za Ciljeve održivog razvoja u Bosni i Hercegovini ovdje se izdvajaju sljedeći.

- Svi nivoi vlasti u BiH prepoznaju suštinski potencijal provedbe Agende 2030 i vide to kao mogućnost za unapređenje društvenih, ekonomskih i okolišnih aspekata života u zemlji, kao i značajno poboljšanje regionalne saradnje. Stoga su svi nivoi vlasti posvećeni zajedničkom postizanju Ciljeva održivog razvoja, u skladu sa svojim ustavnim nadležnostima i međunarodnim principima i standardima ljudskih prava.
- Svi nivoi vlasti BiH nastojat će dodatno ojačati sisteme strateškog planiranja i upravljanja razvojem, jer su koherentni sistemi, čvrste međusektorske veze i koordinacija od suštinskog značaja za efikasno planiranje, provedbu, praćenje i izvještavanje o Agendi 2030.
- Vlasti na svim nivoima preuzimaju obavezu usmjeravanja finansijskih sredstava za realizaciju prioriteta utvrđenih u njihovim strateškim dokumentima, usklađenim sa SDG-om. U isto vrijeme, vlasti na svim nivoima istražiti će nove načine za finansiranje Agende 2030 kroz stvaranje partnerstava s globalnim partnerima, privatnim sektorom i drugim izvorima finansiranja, s ciljem utvrđivanja i iskorištavanja novih poslovnih modela i dugoročnih investicija.
- Vlasti na svim nivoima u BiH su predane uspostavi funkcionalnog sistema za dugoročnu koordinaciju provedbe te praćenja i izvještavanja u vezi s Agendom 2030.

2017. godine je donesen novi Zakon o razvojnom planiranju i upravljanju razvojem, kojim se uređuju ciljevi i načela razvojnog planiranja i upravljanja razvojem Federacije Bosne i Hercegovine, kantona i jedinica lokalne samouprave, vrste strateških dokumenata, vrste dokumenata neophodnih u i postupku implementacije strateških dokumenata, tijela odgovorna za razvojno planiranje i upravljanje razvojem, proces razvojnog planiranja i upravljanja razvojem u Federaciji, programiranje, monitoring, evaluacija i izvješćivanje o implementaciji strateških dokumenata, financiranje implementacije strateških dokumenata i nadzor nad primjenom ovog zakona.

Federalni zavod za programiranje razvoja je institucija koja postoji od 1946. godine. U svojoj bogatoj historiji Zavod je mijenjao ime, a pod današnjim imenom postoji od 1996. godine.

Federalni zavod za programiranje razvoja je federalna institucija koja je najodgovornija za cjelokupan proces strateškog planiranja u Federaciji BiH. Zavod radi analize društveno-

ekonomskih tokova, makroekonomske analize, vrši horizontalnu koordinaciju strateškog planiranja na nivou federalnih ministarstava i institucija, te vertikalnu koordinaciju prema kantonima i Direkciji za ekonomsko planiranje BiH, koja je glavni koordinator procesa strateškog planiranja na nivou BiH.

Jedan od temeljnih zadataka Zavoda je i razvijanje efikasnijeg sistema planiranja i upravljanja razvojem u cijeloj Bosni i Hercegovini, a posebno u Federaciji Bosne i Hercegovine, što ima za cilj doprinjeti održivom socio-ekonomskom rastu i razvoju društva.

Zavod je otvoren za svaki vid saradnje i razmjene iskustava. Zavod surađuje s ekspertima iz različitih oblasti.

Federalni zavod za programiranje razvoja vrši istraživačke, stručno analitičke i druge poslove iz nadležnosti Federacije koji se odnose na:

- programiranje razvoja, analizu faktora i mogućnosti privrednog razvoja i njihovu prezentaciju na domaćem i stranom tržištu;
- kreiranje strategije i programa razvoja i izradu mjera razvojne i ekonomske politike;
- analizu i programiranje unapređivanja strukturnih odnosa u privrednom i društvenom razvoju (sektorsko, vlasničko, organizaciono i drugi oblici strukturnih odnosa);
- programiranje korištenja, valorizacije i zaštite prirodnih resursa i mjera za njihovo ostvarivanje;
- izradu makro-ekonomskih bilansa, proporcija i globalnih agregata rasta;
- izradu materijalnih bilansa zemlje; analiziranje odnosa u oblasti raspodjele, koncipiranje programa naučno-istraživačkog rada od značaja za privredni razvoj i ekonomsku politiku;
- programiranje razvoja društvenih djelatnosti u skladu sa strategijom privrednog razvoja;
- regionalni i lokalni razvoj i sistem njegovog podsticanja i saradnju sa institucijama koje se bave pitanjima razvoja u zemlji i inozemstvu.

Potpisivanjem Memoranduma o saradnji između Grada Sarajeva i Federalnog zavoda za programiranje razvoja, Grad Sarajevo i Zavod izražavaju interes za ostvarivanje saradnje s ciljem unaprjeđenja implementacije Ciljeva održivog razvoja u Gradu Sarajevu kroz implementaciju Strategije razvoja Grada Sarajeva i dalje primjene Zakona o razvojnom planiranju i upravljanju razvoja BiH, te drugih razvojnih dokumenta zajednice.

Gradu Sarajevu je u interesu saradnja sa Zvodom na praćenje realizacije Ciljeva održivog razvoja u Bosni i Hercegovini, kao relevantnog partnera za davanje podrške lokalnim zajednicama pri formaciji i realizaciji planova i projekata koji vode ka ciljevima održivog razvoja. Potpisivanjem memoranduma o suradnji se iskazuje namjera da potpisnici zajedničko organiziraju relevantne aktivnosti s ciljem promocije značaja Agende 2030, s ciljem razmjene iskustava, zajednički organiziraju i učestvovanja na konferencijama, radionicama i edukacijama u skladu sa mogućnostima. Stranama je u interesu razmjenjena informacija o potrebama i mogućnostima za apliciranje na postojeće domaće i međunarodne fondove, te iniciranje formiranja određenih domaćih i međunarodnih fondova za implementaciju ciljeva održivog razvoja, te razmjena drugih informacija o razvojnim dokumentima, analizama, projektima isl. Zavod je kapacitiran i spreman pružiti obuku državnim službenicima i namještnicima u organima Grada Sarajeva, a posebno vezano za provođenje Zakona o razvojnom planiranju i upravljanju razvojem u F BiH. Također, Zvod je predstavljen i u Vijeću za praćenje realizacije Ciljeva održivog razvoja u Bosni i Hercegovini, te Grad Sarajevo putem Zavoda, može ostaviti i korisnu saradnju sa samima Vijećem.

Također, u skladu sa načelima rada gradske administracije, a naročito načelima transparentnosti, javnosti, efikasnosti i kolegijalnosti, cilj je omogućiti Gradskom vijeću Grada Sarajeva da odlučuje o svim aktivnostima Grada od samog začetka ideje, odnosno namjere, te kako suština predmetne saradnje jeste doprinos što kvalitetnijoj implementaciji Strategije razvoja grada 2021.-2027. godine, zatraženo je donošenje ove odluke Gradskog vijeća.

FINANSIJSKA SREDSTVA

Finansijska sredstva za realizaciju ove Odluke, u ovoj fazi nisu potrebna.

1. Federalni zavod za programiranje razvoja, Dola br. 15., koga zastupa Nijaz Avdukić, direktor i
2. Grad Sarajevo, Hamdije Kreševljakovića br. 3., koga zastupa gradonačelnica doc. dr. Benjamina Karić

(u daljnjem tekstu: „potpisnici Memoranduma“)

Potpisali su u Sarajevu:

MEMORANDUM

o saradnji između Federalnog zavoda za programiranje razvoja i Grada Sarajeva

1. Svrha Memoranduma

Svrha ovog Memoranduma je da osigura formalni okvir za međusobnu saradnju potpisnika.

Memorandum pod međusobnom saradnjom podrazumjeva:

1. Zajedničko organizovanje relevantnih aktivnosti s ciljem promocije značaja Agende 2030 i drugih razvojnih dokumenta te razmjene iskustava, organizovanja i učestvovanja na konferencijama, radionicama i edukacijama u skladu sa mogućnostima.
2. Razmjena informacija o potrebama i mogućnostima za apliciranje na postojeće domaće i međunarodne fondove, te iniciranje formiranja određenih domaćih i međunarodnih fondova za implementaciju ciljeva održivog razvoja.
3. Razmjenu podataka između potpisnika (dokumenti, analize, projekti i dr.).
4. Pripremu i izvođenje obuke za službenike po dogovoru i potrebama.

2. Razvijanje saradnje

Sve eventualne dopune i izmjene ovog Memoranduma moguće su samo sačinjavanjem aneksa Memoranduma.

3. Stupanje na snagu i primjena

Ovaj Memorandum stupa na snagu danom potpisivanja od strane potpisnika. Primjena Memoranduma je trajna, osim ukoliko strane saglasnošću svojih volja ne odluče drugačije.

4. Saglasnost

Potpisnici svojim potpisom potvrđuju da su saglasni sa odredbama ovog Memoranduma.

Federalni zavod za programiranje razvoja:

Nijaz Avdukić

Ime i prezime

Broj protokola i datum
potpisivanja

Svojeručni potpis i
pečat

Grad Sarajevo:

Benamina Karić

Ime i prezime

Broj protokola i datum
potpisivanja

Svojeručni potpis i
pečat